

21

საქართველოს სსრ ფიზიკური კულტურისა და სპორტის სახელმწიფო კომიტეტისა და პარაოლიმპიკი კონსულტაციური საბჭოს ორგანო
ОРГАН ГОСУДАРСТВЕННОГО КОМИТЕТА ГРУЗИНСКОЙ ССР ПО ФИЗИЧЕСКОЙ КУЛЬТУРЕ И СПОРТУ И РЕСПУБЛИКАНСКОГО СОВЕТА ПРОФСОЮЗОВ

21 იანვარი, კვირა, 1990 წ.
№ 14 (10183) შპსი 3 კაპ.

გამომცემი 1934 წლის 13 აპრილიდან

ინფორმაცია მთავრობის სახლიდან

შეიქმნა რაგბის ასოციაცია

ჩვენს რესპუბლიკაში ამ უკანასკნელ ხანს დასაბამი მიეცა რამდენიმე ახალი სპორტული ასოციაციის შექმნას. ყოველი ასეთი სიახლე ზომიერი ფიზიკურ-ტრენინგული და სპორტულ-გამაჯანსაღებელი მოძრაობის გამოცოცხლებას მოასწავებს; და რაც მთავარია, იმის მიმართმეხვედრია, რომ საზოგადოებრივობა, ჩვენი ახალგაზრდობა სულ უფრო მეტად ინტერესდება მასობრივი სპორტული საქმიანობით, ინერგება სპორტის ახალი სახეობებში, ყოველმხრივ ხელსაყრელი შესაძლებლობები იქმნება მსოფლიოს თანამედროვე სპორტულ ცხოვრებაში უფრო აქტიური მონაწილეობისათვის.

ამ სიახლეებს ახლახანს კიდევ ერთი შეემატა: საქართველოს სსრ მინისტრთა საბჭოს პრეზიდიუმმა 1990 წლის 17 იანვარს რეგისტრაციაში გაატარა რაგბის ასოციაციის წესდება. ეს საქართველოს მორაგბეთა მიღწევების თავისებური აღიარებაც არის და იმის წინაპირობა-საც წარმოადგენს, რომ მომავალში მეტი ყურადღება მიექცეს სპორტის ამ სინტერესო სახეობას, ხელი შეუწყოს მის მასობრივობას, ყველაფერი გაკეთდეს რაგბის ქართული სკოლის შექმნისა და მისი ტრადიციების განსამტკიცებლად.

როგორც წესდებაშია აღნიშნული, რაგბის საქართველოს ასოციაცია დამოუკიდებელი ნებაყოფლობით საზოგადოებრივი ორგანიზაციაა; იგი წარმოადგენს საქართველოს მორაგბეთა და რაგბის მოყვარულთა ინტერესებს, თავის საქმიანობას წარმოადგენს საქართველოს სსრ კონსტიტუციის, მოქმედი კანონმდებლობისა და დამტკიცებული წესდების შესაბამისად.


ასოციაცია მიზნად ისახავს სრული სუვერენიტეტის მიღწევას, ანუ საქართველოს ეროვნული ჩემპიონატის გადაქცევას მთავარ შეჯიბრებად, საქართველოს ეროვნული ნაკრების შექმნას და მის მონაწილეობას ოფიციალურ საკავშირო და საერთაშორისო შეჯიბრებებში, რაგბის საერთაშორისო საბჭოში (ი.რ.ბ.) საქართველოს დამოუკიდებელ წევრად შესვლას, სპორტის ამ სახეობის ფართო პოპულარიზაციას, მო-

რაგბეთა პატრიოტული სულისკვეთების ამაღლებას და ოსტატობის სრულყოფას, მათი სამოყვარულო სტატუსის განუზრეღ დაცვას, როგორც ამას რაგბის საერთაშორისო საბჭოს კანონმდებლობა ითვალისწინებს; პირდაპირი, დამოუკიდებელი კონტაქტების დამყარებას საკავშირო და საერთაშორისო დონეზე.

დასახული მიზნების განსახორციელებლად ასოციაცია აქტიურად გამოიყენებს არსებული კანონმდებლობით ნებადართულ მუშაობის ისეთ ფორმებს, როგორცაა ასოციაციის ფუნქციის შექმნა, საშუალო კომისიების ჩამოყალიბება და დაფინანსება, პრემირება და რეკლამირება, საჯარო ღონისძიებების — კრებების, სემინარების, დისკუსიების ჩატარება და სხვა. ასოციაცია მიზნად ისახავს მკვიდრო, საქმიან კონტაქტებს საქართველოს სპორტსახეობებთან და რაგბის კავშირთან, სხვადასხვა სპორტულ და საზოგადოებრივ ორგანიზაციებთან, კოოპერაციებთან — ყველა ორგანიზაციაში და მოქალაქესთან, რომელთა საქმიანობაც არ ეწინააღმდეგება ასოციაციის იდეალებს და ხელს შეუწყობს ასოციაციის წინაშე მდგარი ამოცანების გადაწყვეტას.

ასოციაციის ინდივიდუალური წევრი შეიძლება გახდეს საქართველოს, საბჭოთა კავშირისა თუ მსოფლიოს ნებისმიერი ქვეყნის მოქალაქე მისი ასაკის, სქესის, ეროვნების, რწმენის, პარტიულობისა და სოციალური წარმოშობის მიუხედავად, თუკი ის აღიარებს ასოციაციის პრინციპებს და წესდებებს, გადაიხდის საწევრო გადასახადს და დამორჩილება ასოციაციის კრებების გადაწყვეტილებებს. ასოციაციის წევრად მიღება მოხდება საერთო კრების გადაწყვეტილებით.

ასოციაციის პირველი დამფუძნებელი კრება გასული წლის ივლისში გაიმართა. ამ მოკლე ხანში ასოციაციის წევრები კვლავ შეიკრიბებიან და დამტკიცებულ წესდების შესაბამისად აირჩიენ ასოციაციის ხელმძღვანელ ორგანოებს, დასახვენ მომავალი საქმიანობის პერსპექტივებს.



ქართული ზოგადი

26-28 იანვარს სპორტის სასახლეში ჩატარდება თბილისის ტრადიციული საერთაშორისო ტურნირი თავისუფალ ჯილაოკაში

შეჯიბრების კალენდარი: 26-27 იანვარი — დანა-ფუნისი 11 და 18 საათზე; 28 იანვარი — 11 და 17 საათზე.

ტურნირში მონაწილეობას მიიღებს 13 ქვეყანა. შეჯიბრებაში გამოვლენს თანხმობა უკვე ხანაცხადის აუზს-თურქეთის, ირანის, კანადის, კოლონეთის, ჩხოსლოვაკიის, უნგრეთის და კომუნის სახალხო დემოკრატიული რესპუბლიკის წარმომადგენლებმა.

- სასპარეზოდ ღელეგაციები ჩამოვლენ:
- აშშ — 24 იანვარს (18 კაცის შემადგენლობით);
- თურქეთი — 24 იანვარს (15);
- ირანი — 26 იანვარს (12);
- ჩხოსლოვაკია — 25 იანვარს (8);
- ქსდრ — 25 იანვარს (10);
- უნგრეთი — 25 იანვარს (7);
- კოლონეთი — 25 იანვარს (6);
- კანადა — 25 იანვარს (2).


ტურნირში ცალკე გუნდებად გამოვლენ, აგრეთვე, საზოგადოებრივი და საპარტეზლო მონაწილე-ვეები.

შეჯიბრების მთავარი მსაჯი მსოფლიოს, ევროპის, საბჭოთა კავშირისა და თბილისის საერთაშორისო ტურნირის მრავალჯერ ჩემპიონი, სპორტის დამსახურებული ოსტატი ზარბაზ ბერიაშვილი.

საერთაშორისო ტურნირს ჰყავს სპონსორები. ესენი არიან: თბილ-მშენი და თბილისის №3 სატექსტომოტორო საწარმოო გაერთიანება.

გურამ მოღვაძე და სხვები

უკვე გაცნობეთ ქართველი ძიუდოისტის გ. მოღვაძის (65 კგ) გამარჯვების ამბავი ტოკიოში გამართულ ტრადიციულ ტურნირზე, რომელიც „მორიკის“ სახელწოდებ-



გურამ მოღვაძე.

ბითაა ცნობილი. მის გარდა იაპონიაში კიდევ სამი ქართველი მოჭიდავე ასპარეზობდა. გულში რედაქციაში გვეწვია საქართველოს ძიუდოისტთა ნაკრების უფროსი მწვრთნელი შოთა ხაბარაძე, რომელიც ჩვენი ოთხეულის გამოსვლის შესახებ გვესაუბრა.

— არ გაუმართლა აკაკი კობო-რძალიძეს. იგი უკვე სამჯერ იყო ამ ტურნირის ჩემპიონი, ამ შეჯიბრებაშიც მოიგო პირველი შეხვედრა, მაგრამ შემდეგ ცუდად გახდა, რაც აკლიმატიზაციის ბრალი უნდა იყოს. იმულებული გავხდით ჩვენ-ვე მოგვეხსნა შეჯიბრებიდან.

კარგად დიწყო კიბობაა გია თე-ნაძე, ზედინზედ მოუგო მსოფლიო ჩემპიონატის პრიზორს. შემდეგ ევროპის ჩემპიონსაც. მაგრამ მესამე შეხვედრაში უმნიშვნელო უპირატესობით დამარცხდა იაპონელ ძიუდოისტთან და შეჯიბრებას გამოეთიშა. ამ ტურნირს ასეთი წესი აქვს — სანუგეშო შეხვედრები აღ-არ იმართება.

ვალერი პარუნაშვილიმაც იქაურ სპორტსმენთან წააგო, ოლონდ — პანტეით (მსაჯთა გადაწყვეტილებით, რედ.).

რაც შეეხება გურამ მოღვაძეს, მართალია გიობრათ, მისგან ასეთ ბრწყინვალე გამოსვლას არ ველო-დით. ბავშვებით მოერია ყველა მეტოქეს. გულდურ პირველობაშიც მოიგო ოთხივე შეხვედრა და პირ-რადშიც ხომ არავის დაუტოვა წა-რმატების რაიმე შანსი. ჩვენი გუ-ნდი მეორე ადგილზე გავიდა და ერთი ვერცხლის მედალი კიბორ-ძალიძემაც დაიმსახურა...

ქვეყნის ნაკრების წევრებიდან მოღვაძის გარდა გამარჯვებები მო-იპოვეს მოსკოველმა ვიტალი ბუ-დიუკინმა (86 კგ) და ორჯონიკიძე-ლმა სტანისლავ კოსოვემ (აბსო-ლუტური წონა), მახაყალელი რუ-სლან გამხათიანი (60 კგ) და გრო-ზნოელი ბაშირ ვარაევი (78 კგ) მეორე ადგილზე გავიდნენ...

რედაქციისგან: შ. ხაბარაძემა ერთი მეტად საყურადღებო ამბავიც გვაცნობა: ტოკიოში გაიმარ-თა მოლაპარაკება საქართველოს დე-ლეგაციისა და იაპონიის ძიუდოს ფე-დერაციის ხელმძღვანელებს — მორის. იგრ შეეხებოდა ქართული კიბობ-ბის საერთაშორისო ფედერაციის შექმნას, აგრეთვე სხვა, ჩვენთვის უმნიშვნელოვანეს საკითხებს. ამ მოლაპარაკების შესახებ უფრო და-წვრილებით გაცნობებთ გაზეთ „ლელოს“ უახლოეს ნომერში.

სსრ კავშირის პირველობა კალათბურთში 21 ლიგა

გამარჯვება 21 ქულის სხვაობით

გუშინ თბილისში ლენინის სა-ხელობის დარბაზში გაიმართა სსრ კავშირის პირველობის მორიგი შე-ხვედრა პირველი ლიგის კალათ-ბურთულ ქალთა გუნდებს შორის. თბილისის ტექნიკური უნივერსი-ტეტის გუნდმა უმასპინძლა რიგის ტეტის და დაამარცხა ანგარიშით 78:57 (48:30). ჩვენს გუნდში ყვე-ლაზე შედეგიანი მოთამაშეები იყ-ვნენ ვერა კოზლოვა (22 ქულა) და მელეა მხეიძე (15 ქულა).

საქართველოს ჩემპიონატი წააღიარა ხტობაში კიდევ ოთხი ჩემპიონი

გუშინ ვაკის საცურაო აუზში დასრულდა საქართველოს წყალ-მბტომელთა ზამთრის ჩემპიონატი. უფროსი ასაკის სპორტსმენთა შო-რის კოშკიდან ხტობაში საუკეთე-სონი იყვნენ ნანა ნებეიძე (408,35 ქულა) და გოჩა გახარია (550,17). უმცროსთა შეჯიბრებაში ყველა აჭო-ბეს ასია ვართანოვა (297,25) და გიორგი მანაბლიშვილი (426,63).

„სიათრონი“ შინ იხედავა

სპორტი, სპონსორი, პარასპორტი...

დასაპლავითი ქარავანი თავისი გზით მიდოდა და შორსაც წვიდა. ის ხმები, ცნობილი ანდაზის „სიუჟეტის“ თანახმად, ქარავანს რომ გაეღებოდა ხომალდი, აღმოსავლეთის მხრიდან ისმოდა.

საბჭოთა პრესაში „ბურჟუაზიული სპორტის ზნე-ჩვეულებათა მამხილებელი“ და ხელოვნებით მონაწილე-მაგნიტური წერილების მეტი რა წავიციოთავეს! სხვადასხვა უპირიანი იქნებოდა, მაგრამ სპონსორობასაც რომ ვაპირავდნენ ხომალდი კიბოს, მე პირადად ორი ანდაზა მახსენდება — ერთი ის, რომლის ჩვენ იმდროინდელ ყოფაზე მორგებული „ინტერპრეტაცია“ ზემოთ შემოგთავაზებთ, მეორეს კი ქვემოთ მოგასახელებთ.

ერთი სიტყვით, რა ხანია, დასავლეთში სპორტსა და ბიზნესს სივრთო ენა გამოენახათ და უერთმანეთოდ არსებობა ვეღარ წარმოადგინათ. თავისი ჭიკაძე ახარებდნენ და ერთმანეთსაც ახერხებდნენ, ფრიად კმაყოფილი კი რჩებოდა საზოგადოება, რომელსაც არც პური აკლდებოდა, არც სახანაობა.

ამ დროს ჩვენში ქვეყანა ქრთამზე გაყვანილიყო და „სოფლის უკუღმა ტრიალს“ ზნეობისთვის ლამის წირვა გამოეყვანა. აი, მაშინ იყო, ერთი უბრალო ანდაზის ნათელი აზრით რომ გაუკუღმარებოდა. მიზანი და ვითარება (სოციალური ფონი, განწყობა თუ კონტექსტი) ვიკითხოთ, თორემ „ხელმა ხელი დაბანა, ორივემ — პირი“ სხვას რას უნდა ნიშნავდეს, ფუ არა ორმხრივ სასარგებლო გარჯით საერთო საქმის კეთება. არადა, ეს ანდაზა მეტრთამეთა პაროლად და კორუფციის ფორმულად იყო ქვეული და ჩურ-

ჩულით და „მრავალსმეტყველი“ მინიშნებით თუ იქმოდა.

დრომ და გაქირავებამ გვიძლია და ახლა სხვათადად ვეჭვობთ და ვეჭვობთ. ამას წინაა, მაგალითად, ერთი სპორტულ საქრებულთაში ჩვენში ახალფეხადგმული სპონსორობის სიყვითლე ჩამოვარდა სიტყვა: „სპონსორის“ დროულად გადმოქართულდებაზე რომ არ გვეფიქროს — ითქვა. სავარაუდო შესატყვისებიც ჩამოვარდეს — ქომაგი, მეურვე, მეფხი, შემწე... რა და რომეც სჯობს, ამას, ალბათ, ენათმეცნიერები გააკვივრენ და გვირგვინი, ერთი კი ცხადია — დღეს ჩვენ სპორტს სპონსორების დიდი იმედი აქვს და ეს სხვა „მადლიან-მარლიანი“ სახელებიც იმიტომ გვემეტება.

„თეთრონი“ — სარეკლამო ფარმა ამ წარწერით კარგა ხანია მიიპყრო სპორტის მოყვარულების ყურადღება. „თეთრონი“ თბილისში გამართულ არც ერთ მნიშვნელოვან სპორტულ ღონისძიებას არ აკლდება და მუდამ პრესტიჟულ ადგილსაც ეპატრონება. მაშინ, წლის ბოლოს კი ნამდვილად ისახელა თავი — ორი საერთაშორისო ტურნირის ერთ-ერთი სპონსორი გახდა. გენსომეხათ, ერთი ქართულ კვირბაში პირველად ჩატარებულ საერთაშორისო შეჯიბრება იყო, მეორე — მიხეილ მესხის სახელობისა მინიფეხბურთში. ჩვენებურ სპონსორებზე მასალის მომზადება რომ დამევალა, ბუნებრივია, არჩევანი მასზე შევაჩერე და ამ მიზნით ვეწვიე საწარმო გაერთიანება „თეთრონის“ გენერალურ დირექტორის თამაზ კვიციანი.

პირველ ყოვლისა, ქართული

სპორტის ახალშეძენილი პარტნიორისა და ქომავის უშუალო საქმიანობაში გარკვევას ვთხოვთ...

— ესე იგი, განიტერგებთ, რას ვაპირებთ: სარტეს პასტებს „ფორუსა“ და „ბიოს“, შამპუნებს „იას“, „ბიას“, პლასტმასის ნაწარმს, ლაქსაღებავებს, ავტოკოსმეტიკას, აეროზოლებს, დეზოდორანტებს. და სხვა — წლიურად 70 მილიონი მანეთის სახალხო მოხმარების საქონელს.

„თეთრონი“ თავიდანვე გული-ხუროთი მოეკიდა თავისი პროდუქტის რეკლამის საქმეს. ამ თვალსაზრისით იგი ერთი იშვიათი გამოწაკლისაც ვახლადთ — ხხევი თვას არ იწუხებდნენ, რეკლამას ყურადღებასაც არ აქცევდნენ. იქნებ, იმიტომაც, რომ თვლიდნენ: საყოველთაო დევიციის პირობებში ყველანაირი საქონელი გასაღდება და ფულ რატომღა ვფლანგოთ?

— სხევისა რა მოგახსენეთ, მე კი ასე ვთვლი: როგორი დევიციის პირობებშიც არ უნდა ცხოვრობდეს და შრომობდეს, მეურნე კაცი წინ უნდა იხედებოდეს. პერსპექტივის თვალსაზრისით ეს ძალზე მნიშვნელოვანია — ყველა ვხედავთ, როგორ შეიცვალა დრო და ეს ცვლილებები ჯერ არ დასრულებულა. სწორედ დროს არ უნდა ჩამორჩე — პროდუქციის ხარისხს გაუმჯობესებასთან ერთად რეკლამაზე უნდა იფიქრო, ამ საქმეშიც გაიწყო. თავს თუ დაიარსებინებ და საქმეს გაითვალ, არც დღევანდელია გაპატივებს და არც მომავალი.

რეკლამაზე ცოტა არ უნდა გეხატებოდეთ. სპორტულ ღონისძიებებზე გამოფენილი სარეკლამო ფარებისა და სპონსორობის გარდა,

„თეთრონის“ პროდუქციის რეკლამას ვაზთებშიც ვხვდებით.

— რეკლამისთვის ყოველწლიურად 100 ათას მანეთზე მეტი გვაქვს „გადაღებული“.

ეს თანხა ნამდვილად არ გახლავთ მცირე. რომელი ფონდიდან გაიღებთ ამ ფულს, საწარმოს რომელიმე სფერო, მაგალითად, სოციალური, ხომ არ წარადგება ამით?

— არავითარი ფონდი, არავითარი წარალი! რეკლამის ხარჯები შედის ნაწარმის თვითღირებულებაში, ასე რომ, „თეთრონის“ სოციალურ და საყოფაცხოვრებო პროგრამის კაპიტი არ აკლდება.

საყოველთაოდ ცნობილია, როგორ უყვარს ქართველი კაცს სპორტი. გამონაკლისი, ალბათ, არც თქვენ ბრძანდებით. დარწმუნებული ვარ, წმინდა კომერციული მიზნების გარდა ეს სიყვარული გამოიჩინებთ.

— ცხადია, არც უამისობაა, მაგრამ უმთავრესი გახლავთ ერის ცხოვრებაში ფიზიკური კულტურისა და სპორტის მნიშვნელობის შეგნება. საქართველოს შეუძლია, სჭირდება და უნდა იყოს კიდევ სპორტული რესპუბლიკა. სპორტულში, რა თქმა უნდა, მხოლოდ ოლიმპიადების, მსოფლიოსა და ევროპის ჩემპიონატების შედეგების მოპოვებას არ გვულისწმობ — მთავარი ქართველთა განმრთვლობაა. აი, სწორედ ამიტომ ვცდილობთ განსაკუთრებულად ვუქმავთ ქართულ კვირბას — იგი ხომ ყველაზე დიდძალი, ერთგულნი სხეულები ჩვენთვის და ვხეზე მყარად უნდა იდგეს. ცხადია, არც ჩვენი უბირველესი და საერთო სიყვარულის საგანს — ფეხბურთს დავივიწყებთ — მიხეილ მესხის სახელობის ტურნირის ერთ-

ერთი სპონსორობა თეთრონიდან მა პატივად და ამ ბრწყინვალე ფეხბურთისთვის მადლიერების ნიშნის გამოხატულებად მიიჩნევს.

ჩვენ დღევანდელ ყოფას უპირავი გადაუდებელი პრობლემა ამბობენ. სპორტი სპორტად, მაგრამ, იმდენ და ისეთ სატივარს უნდა შევლად...

— მიგხვდით, რასაც გულისხმობთ. „თეთრონი“ ერისათვის საარსებო მნიშვნელობის არც ერთ წამოწყებას არ გამოაკლდება. მაგალითისთვის ვეცდებით: ჩვენი საწარმო გულმომწყალებს რესპუბლიკური ფონდის შრომითი დამფუძნებელიც გახლავთ.

დასახარულ, ერთი „კვიმატი“ შეიქმნა. ვინც რომ დაინტერესდეს, ეს ყველაფერი კარგი, მაგრამ, ნეტაც, საწარმოში როგორღა აქვთ მოგვარებული ფიზკულტურულ-გამაჯანსაღებელი მუშაობა, ხომ არ „ჩაიჭრებიან“?

— არა მგონია. აქვე, ჩვენ საწარმოსთან, ლოკისის დასახლებაში მოვაწყვეთ მარტივი ტიპის სპორტული მოედანი. ვიფიქრეთ, ჩვენი მუშებიც გამოიყენებენ და აქ მცხოვრები მოზარდებიც. რაღა დავამალოთ, იმედი მთლიანად ვერ გავცანსკობოდა — ქალაქის ცენტრშიც საქმილად დამორბეული ვართ, თან უმრავლესობას სხვადასხვა ცვლაში უყვებს მუშობა, ასე რომ, ბავშვებს კი გამოაღება მოედანი, მაგრამ მუშებს — ვერა. ამიტომ ვიჭირებთ ასკის დარბაზი, სადაც „თეთრონის“ ერთუხისტი ფიზკულტურელები მუშაობენ-კვირებით იკრიბებიან.

ესაუბრა თამაზ მიხრიაული.

ჩემი პრიზიორი

ტურნირის ეპო

მს ერთი ხანია, რაც საბჭოთა კავშირის მოზარდათა პირველთა ჯარაქში მოსწავლეთა სახალწლო არდადეგების პერიოდში ტარდება. ასე მოხდა ამჟამადაც. 4-14 იანვარს კალინინგრადში ჩატარდა საკავშირო პირველობა გოგონათა შორის. ამ შეჯიბრების 5-5 უმდიერესი 18 და 16 წლამდე ასაკის მოჭადრაკეთა მსოფლიო პირველობების შესარჩევ ტურნირში მონაწილეობის უფლებას იღებდა. შეჯიბრებაში თითქმის ყველა მოკავშირე რესპუბლიკის წარმომადგენელი (ესტონეთა გარდა), სულ 54 მოჭადრაკე ჩაება. ტურნირის მთავარი მსაჯი ვახლადთ საკავშირო კატეგორიის მსაჯი ვ. კოკორინი (ჩელიაბინსკი). ასპარეზობა ჩატარდა შევიცარიული სისტემით, 9 ტურად. დეპუტების თანახმად, სათამაშოდ დაუშვეს 1972 წელს და უფრო გვიან დაბადებული მოჭადრაკეები, ხოლო ჩათვლა ორ ასაკობრივ ჯგუფში ხდებოდა: 18 წლამდე ასაკის ქალიშვილებსა და კადეტებს — 16 წლამდე ასაკის გოგონებს შორის.



ნინო ხურციყე

ჯანჯღავასა და სოფიკო ნიკოლაძეს, 3-3 ქულა კი თეა ლანჩავასა და ნატო ეფგვერაძეს.

ბოლო ოთხი ტური შესანიშნავად განვლეს ხურციყემ და ეფგვერაძემ, პირველმა 4 შესაძლებლიდან 3 ქულა მოაგროვა და 7,5 ქულით ქვეყნის ჩემპიონობა მოიპოვა, მეორემ კი 3,5 ქულა აიღო და 6,5 ქულით II-VI ადგილები გაიყო ირინა ზაკსა (კიშინოვი; II ადგილი), ნატაშა მინკინასა (ვოლოგოზრადი; III), ნათია ჯანჯღავასა (IV) და ნატაშა ხუდგარიანთან (მოსკოვი; V) ერთად. ეფგვერაძეს უარესი კოეფიციენტის გამო VI ადგილი ერგო. უმჯობესად, ქართველმა გოგონამ II-III ადგილები გაიყო კადეტთა შორის, კოეფიციენტთა დათვლისას მას III ადგილი დარჩა.

ალსანიშნავია, რომ ჩვენმა გამარჯვებულმა გოგონებმა თბილისის ბავშვთა და მოზარდათა საქალაქო სპორტულ სკოლაში აიღვეს ფეხი.

ამიტომ, მსოფლიო პირველობის შესარჩევ ტურნირებში მონაწილეობის უფლება მოიპოვეს 16 წლამდე ასაკის გოგონათა შორის ნინო ხურციყემ. ნატაშა მინკინამ, ნატო ეფ-

გახლავთ (ორჯერ — უმცროსი ასაკის გოგონათა შორის, ორჯერ — მოსწავლეთა შორის, ერთხელ, 1989 წელს, ქალთა შორის), საბჭოთა კავშირის ჩემპიონი პირველად გახდა. მეცადინეობს ბიძის — ელგუჯა ფხაკაძის ხელმძღვანელობით. უღაოდ ნიჭიერი, ბეჯითი და პერსპექტიული მოჭადრაკეა. ტურნირი დაუმარცხებლად განვლო — 6 გამარჯვება და 3 ყაიმი.

17 წლის ნათია ჯანჯღავა თბილისის მე-18 საშუალო სკოლის XI კლასელი, ოსტატია, საქართველოს მრავალჯერ ჩემპიონი სხვადასხვა ასაკობრივ ჯგუფში, 1989 წლის ქალთა ჩემპიონი, 1988 წელს იყო საკავშირო პირველობის მეორე პრიზიორი 18 წლამდე ასაკის გოგონათა შორის, კადეტთა ჩემპიონი, მსოფლიო პირველობის მონაწილე. მეცადინეობს საქართველოს დამსახურებული მწვრთნელის ალექსანდრე იზორნიკოვის ხელმძღვანელობით. მისთვის ტურნირის შედეგი დამაკმაყოფილებელია, მოიგო 5, ყაიმით დაამთავრა 3 და წააგო 1 პარტია. იმედი გვაქვს, ნათია მსოფლიო პირველობის შესარჩევ ტურნირშიც გვახსენებს.

15 წლის ნატო ეფგვერაძე თბილისის 24-ე საშუალო სკოლის IX კლასელი, ოსტატის კანდიდატია, საქართველოს 1989 წლის ჩემპიონია 18 წლამდე ასაკის გოგონათა შორის, 14 წლამდე გოგონათა 1989 წლის საკავშირო პირველობის ჩემპიონია, მსოფლიოს პირველობის შესარჩევი ტურნირის III პრიზიორი გახლავთ. მეცადინეობს ჩემი ხელმძღვანელობით, ამიტომ დახასიათებისგან თავს შევიკავებ. გამოირჩევა მტკიცე ნებისყოფით. განვლილ ტურნირში 5 პარტია მოიგო, 3 ყაიმი და 1 წააგო. თანაც, ბოლო 5 ტურში 4,5 ქულა აიღო!

თეა ლანჩავას ტიტულების ჩამოთვლას აღარ შეუვლდება, ის ნამდვილი სპორტსმენია, ამჟამად ავადმყოფობამ შეუშალა ხელი. მსოფლიო პირველობაზე პერსონალურადაა დაშვებული, როგორც 16 წლამდე ასაკის გოგონებს შორის მსოფლიოს ვიცე-ჩემპიონი.

დინა დარჩიაც ავად იყო, თანაც ასაკით ყველაზე უმცროსია. ისიც დაშვებულია მსოფლიო პირველობაზე, როგორც 12 წლამდე ასაკის გოგონათა მსოფლიო ჩემპიონი.

სოფიკო ნიკოლაძისა და სოფიკო ტერეპიძისგან კი, რა თქმა უნდა, მეტს ველოდით.

რაც შეეხებათ პირველობის დებიუტანტების ინჯა ხურციღავასა და ევა ტაბატაძის მოკრძალებულ შედეგებს, ეს მათ გამოუცდლობასა და ზედმეტ ლეღვას უნდა დაეპარალოთ.

ბიორგზი სომხარამი, თბილისის ბავშვთა და მოზარდათა საქალაქო სპორტული სკოლის სახწავლო ნაწილის გამგე.

ნოდარ ჯანფირაშვილის

სსკრვანს მიეძღვნა

თბილისის ტრამვაის საწარმოში მოეწყო საწარმოს ყოფილი ფიზკულტურის ინსტრუქტორის, 9 აპრილი ტრავიკულად დაღუპული ნოდარ ჯანფირაშვილის სსკრვანსადმი მიძღვნილი მუშა-მოსამსახურეთა პირადი პირველობა ჯანფირაშვილი. I ადგილზე გავიდა ტრამვაის მძღოლი ნ. ალიევი. სამეფლოში მოხვდნენ, აგრეთვე, უსაფრთხოების ტექნიკის ინჟინერი ზ. ჯარიაშვილი და საწარმოს დირექტორის მოადგილე ვ. ფანცულაია.

ს. ქაჩიასვილი, ტრამვაის საწარმოს ინსტრუქტორ-მეთოდისტი.

თანამშრომლები —

ოჯანსავით

ხალისიანი გამოდგა ყვარლის სპორტდარბაზში გამართული საოჯახო სპარტაკადა, რომლის ინიციატორები იყვნენ საქართველოს ალკკ კომპეზირის ყვარლის რაიკომისა და „შეგარდენის“ ყვარლის რაიკომის სპარტაკადაში რაიონის ძირეული ფიზკულტურული კოლექტივების თანამშრომელთა ოჯახები გამდიდრდნენ. ჩემპიონი გახდა ენისელის მევენახეობის საბჭოთა მეურნეობის თანამშრომლის ვიქტორ ლეგაშვილის ოჯახი. მეორე ადგილზე გამოვიდა „ქინძმარაულის“ საწარმოთა გაერთიანების თანამშრომლის კობა ბიჭოშვილის, ხლო მესამეზე — ქიკიანის კოლმეურნეობის თანამშრომლის გურამ კანდელაკის ოჯახი.

მ. ბარამიშვილი, შეჯიბრების მთავარი მსაჯი. ყვარელი.

რვა სახეობაში...

შაჰრამი, შაში, მაგიდის ჩოგბურთი, ფეხბურთი, ფრენბურთი, კალათბურთი, ცურვა, ტურნირული მრავალკიდი — აი, ის სახეობები, რომლებიც შედიოდა „შეგარდენის“ ხელისუფლების რაიონული საბჭოს სპარტაკადის პროგრამაში. შეჯიბრებაში რაიონის წარმომადგენლებს, კოლმეურნეობებისა და საბჭოთა მეურნეობების 33 ფიზკულტურული კოლექტივი მონაწილეობდა. ყველას აჯობა ცენტრმეტალურგმშენის სპეციალიზებული სამმარეგლოს ფიზკულტურულმა კოლექტივმა. მეორე იყო ვეროშენის რაიონის სპეციალიზებული სამმარეგლოს ფიზკულტურული კოლექტივი. ჯ. მახათაძე.

წლებიდანლი პირველობა გამოიჩინოდა განსაკუთრებით ძლიერი შემადგენლობით. მასში მონაწილეობდა 2 ოსტატი, 3 მსოფლიოს ჩემპიონი სხვადასხვა ასაკობრივ ჯგუფში (თეა ლანჩავა, ანა სევალი და დინა დარჩია), 7 მსოფლიო პირველობის მონაწილე, სსრ კავშირის შარშანდელი ჩემპიონი ყანა შური, კადეტთა შორის გამარჯვებული იულია ლევიტანი, პრიზიორები ეკატერინე კოვალევსკაია, სოფიკო ნიკოლაძე, 46 ოსტატობის კანდიდატი და მხოლოდ 6 პირველობარეგონისანი. ჩვენი რესპუბლიკაც სასპარეზოდ თავისი უძლიერესი შემადგენლობით ჩაივდა. აი ისინიც: ოსტატები, საქართველოს ჩემპიონი და რესპუბლიკის ექს-ჩემპიონი ქალთა შორის ნათია ჯანჯღავა და სოფიკო ტერერაძე, მსოფლიო ჩემპიონები თეა ლანჩავა და დინა დარჩია, საქართველოს ჩემპიონი ნინო ხურციყე, სოფიკო ნიკოლაძე, ნატო ეფგვერაძე, საქართველოს მოსწავლეთა პირველობის პრიზიორები ინჯა ხურციღავა და ევა ტაბატაძე.



ნატო ეფგვერაძე



ნათია ჯანჯღავა

თამანეთს, რამაც, რა თქმა უნდა, ჩვენი გოგონების ხელოვნური დამუხრუჭება გამოიწვია. ამას გარდა, კალინინგრადში გრიბის ეპიდემია მძვინვარებდა (რის გამოც ადგილობრივმა ხელისუფლებამ მოსწავლეთა ზამთრის არდადეგები 22 იანვრამდე გააგრძელა). ეპიდემიას ვერ აცდნენ ტურნირის მონაწილეებიც. ქართველი გოგონებიდან პირველი ტერერაძე გაგვიხდა ავად, რასაც სასტატო ტურებში სამი მარცხი მოჰყვა. II ტურში დარჩიას მისცა მალოლი სიტყვა, საღამოს კი ლანჩავას მოერია გრიბის ვირუსი.

ხუთი ტურის შემდეგ ტურნირის 4,5-4,5 ქულით ლიდერობდნენ ნინო ხურციყე, ანეკლა გრიგორიევა (კიშინოვი) და ასემ ხაიროვა (ალმათა). 3,5-3,5 ქულა ჰქონდათ ნათია

ეფგვერაძემ, ილიკა კადიმოვამ (მინსკი; 6 ქულა) და მარია მანაკოვამ (მოსკოვი; 5,5). 18 წლამდე ასაკის გოგონათა შორის — ირინა ზაკმა, ნათია ჯანჯღავამ, ნატაშა ხუდგარიანმა, იულია ლევიტანამ (მინსკი; 6) და მარია ოვერკამ (აშშ-დან; 5,5). აქვე ისიც უნდა აღინიშნოს, რომ დეპუტების თანახმად იმ კადეტებს, რომელთაც „ბედმა გაუღიძვრა“, არჩევანის უფლება აქვთ: იღებენ ითამაშონ თუ უმცროსებში. შესარჩევი ტურნირები კი გაზაფხულზე მოსკოვში ჩატარდება.

რამდენიმე სიტყვა გამარჯვებულებსა და დებიუტანტების შესახებ: 15 წლის ნინო ხურციყე თბილისის 132-ე სკოლის IX კლასის მოსწავლეა, ოსტატობის კანდიდატია, საქართველოს ხუთგზის ჩემპიონი

ფეხბურთი



ქართული ფეხბურთის პრობლემა

გაიზარა სსრ კავშირის ფეხბურთის ფედერაციის აღმასკომის ბიუროს პირველი სხდომა, სადაც განიხილა ფედერაციის ხელმძღვანელი მუშაკების ფუნქციები. ნ. სიმონიანი პასუხისმგებელია ფედერაციის საერთაშორისო ურთიერთკავშირებზე და სამედიცინო მომსახურებაზე, კ. ბესკოვი — შეჯიბრებათა ჩატარებაზე, მსაჯთა სადისციპლინო და ინსპექტორთა საქმიანობაზე, ა. ტუკმაიოვი ხელმძღვანელობს სპორტნაგებობებს, მანერიალ-ტექნიკურ უზრუნველყოფას და ფინანსურ-ეკონომიკურ მუშაობას, ვ. პოდგორნოვი — მასობრივი ფეხბურთის კომიტეტს და ქალთა ფეხბურთს, ი. ნიკოივი — მოზარდთა ფეხბურთის კომიტეტს და მასობრივი ინფორმაციის ორგანოებთან ურთიერთობას. ფედერაციის თავმჯდომარე ვ. კოლოსკოვი უხელომდგანელებს იურიდიულ კომიტეტს. სხდომაზე განიხილეს 1990 წლის საკავშირო შეჯიბრებათა სტრუქტურა, აგრეთვე, სსრ კავშირის პირველი ოლიმპიური და ახალგაზრდული ნაკრები გუნდების მოთამაშეთა ანაზღაურების საკითხები. 29 იანვარს ფედერაციის აღმასკომის ბიუროს კვლევა შეიკრიბება და განიხილავს სსრ კავშირის ნაკრები გუნდის მსოფლიო ჩემპიონატისთვის სამზადისის პრობლემებს, აგრეთვე, ჩვენი ფეხბურთის სპეციალისტების (მწვრთნელები და მოთამაშეები) უცხოეთში გამგზავრების საკითხს.

ცნობილია, რომ ყოველი საქმის წარმატება პირველ რიგში დამოკიდებულია კადრებზე, იმ ადამიანებზე, ვინც უშუალოდ მონაწილეობს ამ პროცესში. როცა საქმე ფეხბურთს ეხება, ეს ნიშნავს, რომ მისი განვითარება დიდად არის დამოკიდებული ფეხბურთელების, მწვრთნელების, მსაჯების, ხელმძღვანელების პროფესიულ კომპეტენტურობაზე, მათზე, ვინც მონაწილეობს საფეხბურთო ცხოვრებაში. სპორტული სკოლები, გუნდები მხოლოდ იმ შემთხვევაში აღწევენ მაღალ შედეგებს, როცა მათ მომზადდება მაღალი კვალიფიკაციის მწვრთნელი ხელმძღვანელობს. სპორტი პედაგოგისგან მოითხოვს მუდმივად ახლის ძიებას.

რესპუბლიკაში მომუშავე 410 მწვრთნელიდან უმაღლესი სპეციალური განათლება 55 პროცენტს აქვს მიღებული. მათ შორის 10-მა დაამთავრა მწვრთნელთა უმაღლესი სკოლა, აქედან ოსტატთა გუნდებში მუშაობს 5 კაცი. მათ შორის უმაღლესი ლიგაში — 2, პირველში — 2 და მეორეში — ერთი.

სამწუხაროდ, ჩვენი რესპუბლიკის ოქროს ფონდის ათვისება ნაკლებ-პროდუქტიულია. ბოლო წლებში მწვრთნელთა უმაღლესი სკოლაში და ფიზკულტურის ინსტიტუტშიც სულ უფრო იშვიათად მოიღობა მაღალი კვალიფიკაციის ფეხბურთელი. მიუხედავად მწვრთნელთა კადრების დეფიციტისა, 1987-88 წლებში მწვრთნელთა უმაღლესი სკოლის ვაკანსია ათვისებული არ იყო, გაუგებარია, რატომ არ ვიყვნებთ კადრების მომზადების ისეთ ეფექტურ ფორმებს, როგორიცაა სტაჟირება და მიზნობრივი ასპირანტურა. მწვრთნელთა პროფესიული ოსტატობის ზრდას ხშირ შემთხვევაში ხელს უშლის დროებითი წარმატებებისგან თავბრუდამხვევა, თვითკამათილების გრძნობა.

აიხსენებთ მწვრთნელთა ასეთი მოკარბებულ ოპტიმიზმს? ჩვენი აზრით, მწვრთნელებს, რომლებიც ჰაბუკ ფეხბურთელებთან მუშაობენ, არა აქვთ ნათელი წარმოდგენა მზარდი მოთხოვნების მთლიან კომპლექსზე, რომელთა პრაქტიკული გადაჭრა აუცილებელია თანამედროვე, მაღალი კლასის ფეხბურთელის მომზადებისთვის. მწვრთნელმა აუცილებლად უნდა იცოდეს, რომ საკუთრობა მოსწავლეს ნამდვილად ჰქონდეს ნიჭი, საჭიროა სასწავლო-საწვრთნელი პროცესისთვის აუცილებელი პირობები, საკუთარი პროფესიული უნარი და სხვა მრავალი. უამისოდ მაღალი კლასის ფეხბურთელს ვერ გაზარდ.

მწვრთნელთა კადრების მომზადების საქმეში არანაკლები პასუხისმგებლობა ეკისრებათ ფეხბურთის კადრების პედაგოგებს. სტუდენტთა პრაქტიკული და დამოუკიდებელი მუშაობის გაზრდის მიზნით გადაიხილა სასწავლო პროგრამები, ინსტიტუტთან შეიქმნა ჰაბუკ ფეხბურთელთა ექსპერიმენტული ჯგუფები, ამ ჯგუფების არსებობამ შესაძლებლობა მოგვცა გავვეფართოვებინა სტუდენტთა უწყვეტი საწვრთნელი პრაქტიკის მასშტაბები. ცვლილებები იქნა შეტანილი, აგრეთვე, მწვრთნელთა კადრების კვალიფიკაციის ამაღლების ფაქტორების პროგრამაში იმ მიზნით, რომ ერთიანი მეცადინეობის დამთავრების შემდეგ მსმენელს შეეძლოდა თავისი ნებისმიერი ჯგუფისთვის სასწავლო-საწვრთნელი და აღმზრდელი მუშაობის წლიურა მიზნობრივი პროგრამის შედგენა, მისი პრაქტიკული რეალიზაცია და მრავალი სხვა.

რესპუბლიკაში კვალიფიციერებული კადრების სიმცირეზე განიხილეს ისიც, რომ არ მოხერხდა ფიზკულტურის სამეცნიერო-კვლევითი ინსტიტუტის ბაზაზე შექმნილი ფეხბურთის ლაბორატორიის სრულფასოვნად დაკომპლექტება. არადა ლაბორატორიის შექმნას ყველა დიდი იმედით მოველოდით.

გვინდა უკრძალავთ მივაპყროთ კიდევ ერთ გარემოებას. ჩვენი ჯერ კიდევ არ არის გამოყენებული სპეციალისტთა პროფესიული მომზადების ამაღლების ისეთი ქმედითი ფორმა, როგორიცაა მუდმივმოქმედი საქალაქო (ან შეიძლება რესპუბლიკური) სემინარის ორგანიზაცია აქტუალურ საკითხებზე: „თანამედროვე ფეხბურთის პრობლემები და ჩვენი ამოცანები“.

ფეხბურთში მასობრივი შეჯიბრებების ორგანიზაციას მსაჯთა კადრების ნაკლებობაც უშლის ხელს. თა-

ნადთან თომბს თავის პოზიციებს ჩვენი მსაჯთა კორპუსი საკავშირო პირველობის მატჩების მომსახურებისას. ფიზკულტურის ინსტიტუტის ფეხბურთის კათედრასთან ორგანიზებულია მსაჯთა სკოლამ ერთი გამოშვების შემდეგ შეწყვიტა არსებობა. რესპუბლიკის ჩემპიონატის მატჩების მსაჯობის ხარისხი ჯერ კიდევ დაბალია. არადა, მსაჯობის ხარისხის ამაღლება დადებითად იმოქმედებს ქართული ფეხბურთის განვითარებაზე და ამიტომაც ამ მიმართებით გადაჭრული ზომების მიღება საჭიროა. პირველ რიგში უნდა აღვადგინოთ ბავშვთა და ჰაბუკთა სპორტულ სკოლებში მსაჯთა მომზადების დადებითი გამოცდილება, ფეხბურთის კათედრას შეუძლია თბილისის მსაჯთა კოლეგიასთან ფეხბურთის სამმართველოსთან ერთად კვლავ ჩაუდგეს სათავეში „მსაჯთა სკოლის“ შექმნის საქმეს. ამ სერიოზული პრობლემის გადაჭრაში მეტად ეფექტურია ყოფილ ფეხბურთელთაგან მსაჯთა კადრების მომზადება.

ქართული ფეხბურთის აწმყო და მომავალი დიდად არის დამოკიდებული საფეხბურთო რეზერვის მომზადებაზე. პრობლემის აქტუალობაზე მიგვანიშნებს იმ ფაქტების სიმრავლეს, როცა მწვრთნელების უმრავლესობა წარუმატებლობის ერთ-ერთ მიზეზად გუნდებში მოსალო ახალგაზრდა ფეხბურთელების მომზადებულობის დაბალ დონეს მიიჩნევენ.

ჰაბუკ ფეხბურთელებთან მუშაობის პრობლემასთან დაკავშირებით ბევრ საკითხს შეეხებით, კიდევ უფრო მეტს შეისახებთ შეიძლება მოსაზრების გამოთქმა, მით უმეტეს, რომ კათედრას წლების განმავლობაში მჭიდრო კონტაქტები აქვს თბილისის წამყვანი საფეხბურთო სკოლების კოლექტივებთან.

ბავშვებთან მუშაობის დარგში იმდენი პრობლემა დაგროვდა, რომ ამასზე ცალკე საუბარი საჭიროა. საქართველოში ბავშვთა და ჰაბუკთა ფეხბურთის დონე საკმაოდ მაღალია, მაგრამ უკეთესი იქნება, თუ მკვეთრად გაუმჯობესდება მატერიალურ-ტექნიკური ბაზა, სამედიცინო აღდგენა და სხვა მრავალი.

შემდეგი გარემოება, რაც სადღეისოდ აქტუალურად მიგვაჩნია, ესაა ოსტატთა გუნდების ხელმძღვანელობის სუსტი კონტაქტი ჰაბუკ ფეხბურთელებთან მომუშავე ადამიანებთან. საფეხბურთო სკოლების მუშაობით დაინტერესება ოსტატთა გუნდების მწვრთნელთა მხრივ სიტყვიერ განცხადებებს არ სცილდება, არაა პრაქტიკული დახმარება. საე-

როდ, რესპუბლიკაში პარალელური მდგომარეობაა მაღალი კლასის ფეხბურთელთა მომზადებისთვის მატერიალურ ხარჯებს ძირითადად იღებს უწყება, რომელსაც არა ჰყავს ოსტატთა გუნდი.

წინამდებარე სტატიაში შევეცადეთ გამოვიყენოთ გარემო, ობიექტურად შეგვეფასებინა ქართული ფეხბურთში შექმნილი მდგომარეობა. პრობლემები, რომლებსაც შეეხებით, რეალურად არსებობს და საერთოა მათი მოგვარება. არის კიდევ საკითხები, რომლებიც გადაჭრულად მოითხოვენ, მათ შორის, ჩვენი აზრით, ერთი კიდევ მეტად მნიშვნელოვანი საკითხი — ფეხბურთის უნდა უხელომდგანელონ ამ საქმის მცოდნე, პროფესიულად და კომპეტენტურად ადამიანებმა, წინამდებარე შემთხვევაში ბევრი პრობლემა კვლავ გადაუჭრელი დარჩება.

არის კიდევ ერთი პრაქტიკული საკითხი, რომელიც, როცა ვლაპარაკობთ საქართველოს ეროვნულ ჩემპიონატზე და მისი შედეგების მიხედვით ფიფა-სა და უეფა-ს შეჯიბრებებში ჩვენი გუნდების მონაწილეობაზე, ბევრს მხედველობიდან გამორჩება. ესაა ის მოთხოვნები, რომელსაც ფეხბურთის ხელმძღვანელი საერთაშორისო ორგანოები ოფიციალურ ტურნირებში მონაწილეობისას წარუდგენენ მასში გაერთიანებულ ქვეყნებს — სათანადო მინდობრი, დახურული დარბაზი, აღდგენითი ცენტრი, სასტუმრო, კლუბთან არსებული საფეხბურთო რეზერვი და ა. შ. სამწუხაროდ, ამ მოთხოვნების დაკმაყოფილება დღეს, ალბათ, მხოლოდ თბილისის „დინამოს“ თუ შეუძლია.

დასასრულს, კიდევ ერთხელ უნდა აღვნიშნოთ, რომ ეროვნული საფეხბურთო ლიგის შექმნა უდავოდ პროგრესული მოვლენა იქნება ქართული ფეხბურთისთვის, მაგრამ მისი რეალური განხორციელებისთვის აუცილებლად მიგვაჩნია ზემოთ აღნიშნული პრობლემების გადაჭრა. საჭიროა ყველამ ერთად ვეცადოთ რთულ პრობლემათა გადაჭრის გზები. ეს მეტად შრომატევადი, წინამდებარეობით სავსე პროცესია, მაგრამ სხვა გზა არ არსებობს, ეს გზა უნდა გავაიროთ, თუ გვინდა, რომ საქართველოს ეროვნული საფეხბურთო ლიგა ღირსეულად იქნას წარმოდგენილი საერთაშორისო ასპარეზზე.

ავთანდილ ზაუხაძე, საქართველოს ფიზკულტურის ინსტიტუტის ფეხბურთის კათედრის გამგე, დოცენტი, სპორტის ოსტატ.

ფინალუ

შვეიცარიის ქალაქ ჟენევაში მიმდინარე მინიფეხბურთის საერთაშორისო ტურნირის ფინალში ერთმანეთს შეხვდნენ საფრანგეთის „ბორდოსი“ და თბილისის „დინამოს“ გუნდები.

გადამწყვეტი მატჩი დამთავრდა „ბორდოსი“ გამარჯვებით — 6:4. ფრანგმა ფეხბურთელებმა პირველი ადგილი დაიკავეს, ხოლო თბილისის „დინამოს“ — მეორე.

მეორეაღ

ლენინგრადში დამთავრდა ვ. გრანატინის ტრადიციული მეორეაღური საერთაშორისო ტურნირი ჰაბუკ ფეხბურთელთა შორის. გათამაშების ბოლო დღეს სსრ კავშირის პირველმა ნაკრებმა და გფრ-ის გუნდმა ფრედ ითამაშეს — 2:2. ჩინეთისა და სსრ კავშირის მეორე ნაკრებებს შეხვედრაში წარმატებას ჩინელებმა მიაღწიეს — 2:0, ფინეთისა და გფრ-ის გუნდების შეხვედრა ფრედ დამთავრდა — 0:0.

მეორეაღის საბოლოო შედეგები ასეთია: 1 ადგილი. სსრ კავშირის პირველი ნაკრები — 9 ქული, 2. ჩინეთი — 8. 3. გფრ — 6. 4. გფრ — 4. 5. სსრ კავშირი-II — 2. 6. ფინეთი — 1.

„ფრანს ფუტბოლის“ კლასიფიკაცია

„ფრანს ფუტბოლის“ კლასიფიკაცია ასეთია: 1. პოლანდია, 2. ბელგია, 3-4. ირლანდია და ესპანეთი, 5. იუგოსლავია, 6. ინგლისი, 7-8. გფრ და სსრ კავშირი, 9. იტალია, 10. შვეიცია, 11. ჩეხოსლოვაკია, 12. დანია, 13. რუმინეთი, 14. შოტლანდია, 15-16. საფრანგეთი და პორტუგალია, 17. ავსტრია, 18. პოლონეთი, 19 გფრ, 20. ნორვეგია, 21. თურქეთი.



სამჯერადას პირველ ადგილზე

ამ დღებში კიდევ ერთ საკავშირო ტურნირში მიიღეს მონაწილეობა თბილისის 35-ე სპეციალიზებული საფეხბურთო სკოლის წარმომადგენლებმა და რაოდენ სასიხარულოა, რომ მათ ქ. ბელგოროდში გამართულ ასპარეზობაშიც არაგის დაუთმეს პირველი ადგილი.

35-ე სკოლამ აქაც დაამტკიცა, რომ ერთ-ერთი უძლიერესია კავშირში. ცხრა გუნდიდან ორთაბრძოლაში მან ყველა მატჩი მოიგო და ბურთების საუკეთესო შეფარდებით — 17:1 — პირველი ადგილი დაიკავა. გადამწყვეტ ფინალურ შეხვედ-

რაში კი კავშირის ერთ-ერთ უძლიერეს, კიევის ბავშვთა და მოზარდთა საფეხბურთო სკოლის გუნდს სძლია — 3:0. გამარჯვებულ გუნდს წვრთნიან ვ. ნადირაძე და მ. ანთიძე.

საუკეთესო მოთამაშეებისათვის დაწესებული პრიზები ჰვდნენ ჩვენი მოთამაშეებს. საუკეთესო ნახევარმცველად მიიჩნიეს ირაკლი ნადირაძე, ყველაზე ტექნიკურ ფეხბურთელად პაატა ჭინჭარაძე.

ს უ რ ა თ ე: საკავშირო ტურნირში გამარჯვებული 35-ე საფეხბურთო სკოლის გუნდი.

ფეხბურთის ახალი ახგავი

ბრაზილიის „ვასკო და გამა“ ევროპული კლუბებისათვის მოთამაშეთა დიდ ექსპორტიორად იქცა. ბოლო ცნობით ფორვარდი მიურინიო ესპანეთის „სელტაში“ შეცვლის თავის თანამემამულესა და ყოფილ თანაგუნდელ სილვას, რომლის თამაშიც არ აკმაყოფილებს ესპანურ კლუბს.

იტალიის „ნაპოლი“ მსოფლიო ჩემპიონატის შემდეგ დაემშვიდობება ბრაზილიელ ალფინოს, რომელსაც ახლა „სამპდორიასთან“ აქვს მოლაპარაკება. მის მაგივრად ნეაპოლურ ტიტოვებს ახალი კერძი ეყოლებათ. ესაა ასევე ბრაზილიელი, 1989 წლის სამხრეთ ამერიკის პირველობის საუკეთესო მოთამაშე ბებეტო.

(სპ. იფ.)

არარსებული კლუბი

შოტლანდიის ფეხბურთის ფედერაციამ უარი განაცხადა თავისი ქვეყნის II ლიგაში ჩართოს ირლანდიის ქალაქ დუბლინის კლუბი. უარის მოტივი იყო გუნდების ისედაც დიდი რაოდენობა შოტლანდიის პირველობაზე.

მაგრამ ნაწყენი ამით არავინ დარჩენილა, ვინაიდან დუბლინის ასეთი კლუბი სინამდვილეში არ არსებობს. უბრალოდ, ირლანდიელ ბიზნესმენთა ჯგუფმა გადაწყვიტა, რომ უფრო ხელსაყრელია კლუბი შოტლანდიაში ჰყავდნენ, ვიდრე შინ და ამიტომაც შეეცადა ჯერ ადგილი დაეკავშნა შოტლანდიის II ლიგაში და უკვე შემდეგ შეექმნა თვით კლუბი.

დეგოზი კალკუბის სტადიონზე

შე კ ა მ ი, მათ შორის პოლიციელებიც მიიმედ დაზავდნენ იმ უწესრიგობის შედეგად, რომელიც კალკუბის სტადიონზე მოხდა საერთაშორისო ტურნირის ნახევარფინალურ მატჩში პარაგვაის „ოლიმპიას“ და ინდოეთის „მუშამედან სპორტინგის“ ფეხბურთელთა შორის.

მიმდინარეობდა მატჩის 29-ე წუ-

თი, როცა „სპორტინგის“ მცველმა თავის საჯარიმო მოედანზე უხეშად ითამაშა პარაგვაელი ფეხბურთელის რობსონ რეტამოსოს წინამდებარე მსაჯმა 11-მეტრიანი დანიშნა, რომელიც უხეშად გამოიყენა თვით რეტამოსომ. ინდოეთის გუნდის ქორეგებმა ამას თავისებური რეაქცია მისცეს, დაამსხვრიეს ყველაფერი, რაც კი ხელთ მოხვდათ და, როგორც ხედავთ, შედეგაც ასეთი მივიდა.

კლუბები დაუალს

რაზინეთის ეროვნული ხსნის კომიტეტმა დაადგინა დანიშნულს საფეხბურთო კლუბები „ვიქტორია“ (ბუქარესტი) და ოლტ (პიტეშტი) იმის გამო, რომ მათ მჭიდრო კავშირი ჰქონდათ ყოფილი დიქტატორის ნ. ჩაუშესკუს რეჟიმთან. ეს ცნობა გამოაქვეყნა იუბოს სააგენტომ.

კომიტეტის განცხადებაში ნათქვამია, რომ ეს გუნდები რეჟიმის მფარველობით სისტემატურად არღვევდნენ არსებულ კანონებსა და სპორტულ წესებს. ორივე კლუბის ფეხბურთელებს უფლება აქვთ სხვა გუნდებში ითამაშონ.

„ბრონიგანის“ სახსენალად

ცნობილია პოლანდიელმა ფეხბურთელებმა ძმებმა როზალდ და ერთგვ კუმანებმა გადაწყვიტეს გაკორბნისგან იხსნან ცნობილი კლუბი „ბრონიგანი“, სადაც მათ თავიანთი სპორტული კარიერა დაიწყეს.

ძმებმა 4 ათასი ლოლარად ღირებულების 1500-ბილეთი შეიძინეს „ბრონიგანის“ მომავალ მატჩზე, კლუბის ზარალი კი 4 მილიონს აღწევს. ფინანსური კრახი რომ თავიდან აიცილონ, კლუბმა უახლოეს ჩანებში არანაკლებ 100 ათასი ლოლარი უნდა იშვოს.



სტუმარმა ნდობა გააბართლა

გურამ ბიგანიშვილის წარმატება სან-დიეგოში

სან-დიეგო ნამდვილად სულ სხვაა! ამ ცხრა მთისა და ცხრა ზღვის იქით მდებარე ქალაქთან შედარებით ყურის ძირში გვაქვს სევასტოპოლი თუ საბჭოთა კავშირის სხვა ქალაქები, სადაც აფროსანთა საკავშირო შეჯიბრებები იმართება. მაგრამ რად გინდა? რამდენჯერ შევთანხმებულვართ ამ შეჯიბრებებზე გამგზავრებულ გურამ ბიგანიშვილთან და მის მწვრთნელ თემურ მელაძესთან — აფროსანთა ჩემპიონატებიდან ცნობები ძალზე ძუნწად მოგვდის, ამიტომ ერთმანეთს ტელეფონით დავკავშირებდით. მათაც ბევრი უცდიათ და ჩვენც, გარდა, იშვიათი გამონაკლისის გარდა, სულ ტყუილად გავრჯოლვართ.


სან-დიეგოდან კი... შარშან ამ ქალაქის საილქნო კლუბის მიერ მიწვეულმა ბიგანიშვილმა და მელაძემ წყნარ თკანეში გასული კარბოდან დარჩენს თბილისში, ასე რომ, რაც უფრო შორს იმყოფება ჩვენი ცნობილი აფროსანი, მით უფრო მეტი იმედი გვაქვს ინფორმაციის დეფიციტისგან თავის დაღწევისა. ამიტომაც იყო, შარშან, დეკემბრის ბოლოს სან-დიეგოში კვლავ მიწვეულ გურამს გულდაარბინებულგმა რომ ვთხოვეთ, თუ რამ საინტერესო მოხდა, არ დაიზარო, აუცილებლად გავგაგებინო.

მოხდა და გავგაგებინა კიდევ, ორიოდ დღის წინ შევხვდით თემურ მელაძეს და აი, რა გვაცნობა მან:

ახლახან სან-დიეგოში გამართულ

ლა ტრადიციული სახალწლო რეგატა, რომელიც მონაწილეობა მიუღიათ „ვარსკვლავის“ კლასის ნავეებით მოასპარეზე ამერიკის უძლიერეს აფროსანებს — სამგზის მსოფლიო ჩემპიონს ბრუნს, მსოფლიო ჩემპიონსა და სეულის ოლიმპიადის ვერცხლის მედალოსანს მარკ რეინოლდს, რომელიც ახლახან თბილისში სტუმრობდა გურამთან და ამის შესახებ მასალაც დაიბეჭდა „ლელოში“, 1984 წლის ღოს-ანჯელესის ოლიმპიადის ჩემპიონს ბილ ბაკეის და სხვებს, სულ 36 სპორტსმენს. მათთან ერთად ისპარეზა გურამ ბიგანიშვილმა, სან-დიეგოს საილქნო კლუბმა ამ შეჯიბრებისთვის სტუმარს ნივი აბოვა და გურამსაც გაამართლა ნდობა — პირველი ადგილი დაიკავა.

სან-დიეგოს საილქნო კლუბმა უკვე მეორედ მიგვიწვია. თებერვლის ბოლოს მე და ბიგანიშვილის მეზავრე ალექსანდრე მუხიჩენკოც შევეურთდებით გურამს და შევეუდგებით ერთობლივ წვრთნას ამერიკელ აფროსანებთან ერთად. ბიგანიშვილი მონაწილეობას მიიღებს ამერიკის ღია პირველობაშიც, ამერიკელ აფროსანებთან წვრთნა და ასპარეზობა მზადების საუცხოო საშუალებაა, რადგან „ვარსკვლავის“ კლასში უძლიერესად ისინი ითვლებიან. გაითვალისწინეთ ისიც, რომ წლებადელი მსოფლიო ჩემპიონატი ამ კლასში სწორედ ამერიკაში უნდა გაიმართოს, ასე რომ, თუ გურამმა ამ შეჯიბრებაში ისპარეზა, იგი ყოველმხრივ მომზადებული შეხვდება მეტოქეებს.



ჩვენის მსაზრისელო
ბიგანიშვილი
სონჯი


ჩვენს უკვე ვიწყებოდათ სოხუ-მის საკადრაკო კომპოზიციის „გამბიტის“ მიერ მოწყობილი ბავშვთა საერთაშორისო ღია საკადრაკო ტურნირის „შავი ლევა-90“-ის სტარტის შესახებ. შეჯიბრებაში მონაწილეობდნენ ვენის დეპარტამენტ სტრასბურგის, ქალაქ ვროცლავის, პრეზიდენტი ლენე ტაპოს (ვიეტნამი), აგრეთვე ნალჩიკის, აფხაზეთის, კოპენაგენის „გამბიტის“ და გულაუთის ნაკრები გუნდები.

ტურნირის სტარტზე ვიეტნამელთა წარმატება (2 ტურის შემდეგ უღანაკარგო შედეგად — 8 ქულა) ერთგვარად მოულოდნელი იყო. მაგრამ მომდევნო ტურებში მათ დაამტკიცეს, რომ ეს წარმატება შემთხვევითი არ ვახლათ. მათ 28 შესაძლებლიდან მოაგროვეს 23 ქულა და დამსახურებულად დაიკვეს I ადგილი. ასევე წარმატებულ უნდა ჩაითვალოს კოპენაგენის „გამბიტის“ მოპარაკეთა II ადგილი — 22 ქულა (მწვრთნელი — მიხეილ იაილიანი). III ადგილი წილად ხვდა აფხაზეთის გუნდს — 17 ქულა (მწვრთნელი — საქართველოს დამსახურებული მწვრთნელი რენცო ქედა).

პირად ჩათვლაში საუკეთესო შედეგებს მიიღწიეს: კაბუტია პირველ ადგილზე — „გამბიტის“ წევრმა არტიომ ტაბაიანმა (6,5 ქულა 7-დან), მეორე ადგილზე — აფხაზეთის ნაკრების წევრმა, ოჩაჩირემა ოთარ ხურხუმალმა (5 ქულა), ხოლო მესამე ადგილზე — ვიეტნამელმა ფრანგ თხინ ხაიმ (7 ქულა); ასევე 7 ქულა აჩვენა გოგონათა შორის ვიეტნამელმა ფანგ ხუნ ბონგ ნანამ.

ტურნირის მონაწილეებმა დათვალა აფხაზეთის ღირსშესანიშნაობანი. განსაკუთრებით აშკარა იყო შეხვედრა სოხუმის №11 ქართულ საშუალო სკოლაში, იმ სკოლაში, სადაც VI კლასში ჰადრაკი ისწავლება როგორც ცალკე საგანი. ამავე სკოლაში (დირექტორი — ლეონტი ქუბიავე) შექმნილია და ნაყოფიერ შრომას ეწყობა კლუბი „პანტარესკო“. სწორედ ამ კლუბის (კლუბის პრეზიდენტი — ომარ ბერულავა) ინიციატივით სტუმრებისათვის გაიმართა კონცერტი.

თანავიჯ პაპაორია,
„ლელოს“ კორ.
გულაუთა — სოხუმი.



სსრ კავშირის ჩემპიონატი კალათბურთში

ორი განსხვავებული ტაიპი

შედეგ უმაღლესი კლასის კალათბურთულ ვაჭთა საკავშირო ჩემპიონატის ერთ მატჩი.

კაუნასი. „უალგირისის“ და რიგის ვეფ-ის შეხვედრის პირველი ნახევრის მიხედვით მასპინძლებს, ამ შეხვედრაში, პრობლემები არ უნდა ჰქონოდათ. ამის გარანტიას იძლეოდა 11 ქულიანი უპირატესობა, რომლითაც დამთავრეს ტიმი ლიტველმა კალათბურთელებმა (46:35). მაგრამ შესვენების შემდეგ სურათი მკვეთრად შეიცვალა. ვეფმა შესძლო მდლობარეობის გათანაბრება და ბოლოს სასურველ გამარჯვებასაც მიადგინა — 89:88.

გატამაშავის ცხრილი

მდგომარეობა	20	იანვრისათვის
ცხკა	26 21 4 46	
„ბუდიველ.“ (კ.)	26 17 9 48	
ვეფ (რიგა)	27 16 11 48	
„დინამო“ (მ.)	24 16 8 40	
რტი (მიხსკი)	28 12 16 40	
„კალევი“ (ტალ.)	25 14 11 39	
„უალგირ.“ (კაუნ.)	26 12 14 38	
ასკ (ალმა-ათა)	22 15 7 37	
„სპარტ.“ (ლენ.)	27 10 17 37	
„დინამო“ (თბ.)	25 9 16 34	
„შახტ.“ (დონ.)	24 7 17 31	
„ხტატიბა“ (ვილნი)	26 4 22 30	

ევროპის საკლუბო თასებზე

გარდელდება ევროპის კალათბურთულ საკლუბო ტურნირები.

3აქმბი. ჩემპიონთა თასი. V ტური. „იუგოსლავია“ (იუგოსლავია) — „მაკაბი“ (ისრაელი) 79:61 (33:30). „ფილიპის“ (იტალია) — „ბარსელონა“ (ესპანეთი) 94:93 (47:47). „არისი“ (საბერძნეთი) — „კომოდორე“ (პოლანდია) 110:102 (54:31). „არისის“ ლიდერმა გაიღისმა ამ მატჩში თავის გუნდს 45 ქულა შესძინა. „ლიმოვი“ (საფრანგეთი) — „ლევი“ (პოლონეთი) 115:90 (59:41).

რვა უძლიერესთა ფინალურ ტურნირში დღეისათვის ასეთი მდგომარეობაა:

„იუგოსლავია“	5 5 0 10
„ლიმოვი“	5 4 1 9
„ბარსელონა“	5 3 2 8
„არისი“	5 3 2 8

კორანის თასი. III ტური. პირველი ჯგუფი. „ბოსნა“ (იუგოსლავია) — ცსკა (სსრკ) 92:89. „ირაკლისი“ (საბერძნეთი) — „ფონოლა“ (იტალია) 74:82.

„ფონოლა“	— 6 ქულა
„ბოსნა“	— 5
ცსკა	— 4
„ირაკლისი“	— 3

მეორე ჯგუფი. „პაპოელი“ (ისრაელი) — ასკ (ალმა-ათა) 109:106. „პანიონისი“ (საბერძნეთი) — „ეფესი“ (თურქეთი) 93:95.

„ეფესი“	— 6
„პაპოელი“	— 4

საკლუბო თასებზე.

„ფილიპის“	5 3 2 8
„მაკაბი“	5 2 3 7
„კომოდორე“	5 0 5 5
„ლევი“	5 0 5 5

საკლუბო თასებზე.

„ფილიპის“	— 4
„პანიონისი“	— 4


მესამე ჯგუფი. „შოლე“ (საფრანგეთი) — „ოლიმპია“ (იუგოსლავია) 103:87. „კაია სარავოსა“ (ესპანეთი) — „ენიმონტი“ (იტალია) 83:73.

„ენიმონტი“	— 5
„შოლე“	— 5
„სარავოსა“	— 4
„ოლიმპია“	— 4

მეოთხე ჯგუფი. „ხუვენტუდი“ (ესპანეთი) — „სკავოლინი“ (იტალია) 108:92. „ორტეზი“ (საფრანგეთი) — „ზადარი“ (იუგოსლავია) 87:85.

„ხუვენტუდი“	— 6
„სკავოლინი“	— 5
„ორტეზი“	— 4
„ზადარი“	— 3

გამართა უცხოეთის საფეხბურთო ჩემპიონატების მორიგი მატჩები.



იტალია

მე-19 და მე-20 ტურები. „ინტერი“ — „ბოლონია“ 3:0. „ჩეზენა“ — „კრემონეზე“ 1:1. „ჯენოვა“ — „ფიორენტინა“ 1:1. „იუვენტუსი“ — „ვერონა“ 2:1. „ატლანტა“ — „ლეჩე“ 2:1. „ლაციო“ — „მილანი“ 1:3. „უდინეზე“ — „ნაპოლი“ 2:2. „ასკოლი“ — „რომა“ 1:1. „ბარი“ — „სამპდორია“ 0:2. „ნაპოლი“ — „ჩეზენა“ 1:0. „რომა“ — „ჯენოვა“ 0:1. „ფიორენტინა“ — „იუვენტუსი“ 2:2. „ბოლონია“ — „უდინეზე“ 0:0. „კრემონეზე“ — „ლაციო“ 2:1. „ლეჩე“ — „ინტერი“ 0:0. „მილანი“ — „ატლანტა“ 3:1. „სამპდორია“ — „ასკოლი“ 2:0. „ვერონა“ — „ბარი“ 1:1.

„ნაპოლი“ 20 30-17 30
„ინტერი“ 20 32-19 28
„სამპდორია“ 20 31-18 28

ესპანეთი

მე-19 ტური. „ოვიედო“ — „რეალი“ 0:1. „სან სებასტიანი“ — „სევილია“ 2:1. „ვალენსია“ — „ბილბაო“ 0:0. „ატლეტიკი“ — „ხისონი“ 3:1. „მაიორკა“ — „ვალადოლიდი“ 1:1. „ლავანტინი“ — „ვალენსია“ 1:0. „კასტელონი“ — „პამპლონა“ 1:2. „ბარსელონა“ — „სარაგოსა“ 3:1. „ვიგო“ — „კადისი“ 5:1. „რეინერო“ — „მალაგა“ 2:2.

„რეალი“ 19 56-18 31

ირანდია

მე-17 ტური. „ბოქემინისი“ — „შელბურნი“ 1:0. „დერი“ — „კორკი“ 2:0. „ლიმერკი“ — „ათლონი“ 2:2. „სენტ პატრიკი“ — „გალოუვი“ 3:2. „უილ დუბლინი“ — „შემროკი“ 1:3. „დროგადა“ — „დინდოლი“ 1:1. „დერი სიტი“ 16 40-7 27
„სენტ პატრიკი“ 17 25-15 26
„ბოქემინისი“ 17 28-18 20

ინგლისი

მე-20 ტური. „ჩარლტონი“ — „ასტონ ვილა“ 0:2. „ლივერპული“ — „ლუთონი“ 2:2. „ქუინს პარკი“ — „ნორვიჩი“ 2:1. „ნოტინგემი“ — „ნოლუოლი“ 3:1. „საუთჰემპტონი“ — „ვევერტონი“ 2:2. „ქოვენტონი“ — „კრისტალ პალასი“ 1:0. „მანჩესტერ იუნაიტედი“ — „დერი“ 1:2. „ტოტენჰემი“ — „მანჩესტერ სიტი“ 1:1. „უიმბლდონი“ — „არსენალი“ 1:0. „შეფილდი“ — „ჩელსი“ 1:1.

„ლივერპული“	22 48
„ასტონ ვილა“	22 48
„არსენალი“	22 39

(საბ. იფხ.).

„სპორტლოტო“

გაერთიანება „სოიუსსპორტლოტო“ შეაჯამა „სპორტლოტოს“ 1990 წლის მეორე ტრიაჟების შედეგები.

„სპორტლოტო 6 45“-დან: ტრიაჟში დაშვებულია 1546706 ვარიანტი. 6 ნომერი არაა გამოყენებული. 5 ნომრის გამოცნობისთვის (36) მოგება 1836 მანეთია. ოთხისთვის (1689) — 41. სამისთვის (32219) — 3. საქართველოში: დაშვებულია

41646 ვარიანტი. 6—0, 5—0, 4—38, 3—871.

„სპორტლოტო 5 36“-დან: ტრიაჟში დაშვებულია 16091168 ვარიანტი. 5 ნომრის გამოცნობისთვის (140) მოგება 3492 მანეთია, ოთხისთვის (15384) — 50, სამისთვის (288896) — 4.

საქართველოში: დაშვებულია 465 461 ვარიანტი. 5-6 (მათუმი — 3, თბილისი, მარნეული, ქუთაისი), 4 — 516, 3 — 9059.

მეორე და 1989 წლის 46-ე ტრიაჟიდან 1990 წლის მეორე ტრიაჟის ჩათვლით მონაწილე ატრიბუციანი ბილეთების მოგებები გაცემბა 1990 წლის 3 თებერვლიდან 3 მარტის ჩათვლით.

„სპორტლოტო“

გაერთიანება „სოიუსსპორტლოტო“ შეაჯამა „სპორტლოტოს“ 1990 წლის მეორე ტრიაჟის შედეგები.

ტრიაჟში დაშვებულია 3 863 732 ვარიანტი. 13 შედეგის გამოცნობისთვის (56) მოგება 1034 მანეთია. 12 შედეგის გამოცნობისთვის (1499) — 77 მანეთი, 11 შედეგის გამოცნობისთვის (14126) — 28 მანეთი.

საქართველოში: დაშვებულია 210093 ვარიანტი. 13—2 (ხაშური, თბილისი), 12—84, 11—849.

მეორე ტრიაჟის მოგებები გაცემბა 1990 წლის 3 თებერვლიდან 3 მარტის ჩათვლით.

რედაქტორის მოადგილე
უ. ზიზინაძე

ნაშრომის მისამართი:
წერილებსთვის — 380096, თბილისი, ლენინის ქ. 14, დეპრეზიისთვის — თბილისი, „ლელო“.

ჩამაყვანიტ ბელაფონატი:
წერილებს განყოფილება — 38-97-55, სამადანი — 38-97-52, ინფორმაციის განყოფილება — 38-97-58, „მერანა“ — 38-97-28, „მარტვი“ — 38-97-27.

ჩვენსი
056230
68425

საქართველოს კვ. ცვ.-ის გამომცემლობის შრომის წითელი დროშის ორდენისანი სტამბა. 380096, თბილისი, ლენინის ქ. 14. აბეჭდება ორგანო-ტურა წიხით სავაჭეთო კორპუსში: ზომარაულის, 29.

1 2 3 4 5 6 7 8 9 10 11 12 13 14 15 16 17 18 19 20 უე 08709